

«18» հուլիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Հայաստանի Հանրապետության քաղաքացի Արթուր Սեյրանի Խաչատրյանի կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի մայիսի 16-ին ՀՀ ՊԵԿ ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ՀՀ քաղաքացի Արթուր Սեյրանի Խաչատրյանի կողմից շահագործվող «KAMAZ» մակնիշի, 36QC815 պետհամարանիշի բեռնատարը, ինչի արդյունքում, նշված բեռնատարի քննարկի միջից հայտնաբերվել է ապրանքների հայտնաբերումը դժվարացնող եղանակով մաքսային հսկողությունից թաքցված ծխախոտներ՝ 10 բլոկ՝ «Wisdom» գրառմամբ, 9 բլոկ՝ «Bond» գրառմամբ /կապույտ գույնի/, 9 բլոկ՝ «Bond» /արծաթագույն/ գրառմամբ:

Փաստի առթիվ վարորդ ՀՀ քաղաքացի Արթուր Սեյրանի Խաչատրյանի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում մաքսային հսկողությունից թաքցված ծխախոտների շուկայական արժեքները պարզելու նպատակով 17.05.2022 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Վարչական վարույթի շրջանակներում թիվ 153 մտից համարի գեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը:

ՀՀ ՊԵԿ Հարավային մաքսատուն-վարչության թիվ 160 մտից համարի տեղեկանքի համաձայն՝ 2022թ մայիսի 16-ի դրությամբ «WISDOM» անվանումով «SILVER» տեսակի ծխախոտի մաքսային արժեքը կկազմեր 48000 ՀՀ դրամ, «BOND» անվանումով /կապույտ գույնի/ «SUPER SLIMS 100 S» տեսակի ծխախոտի մաքսային արժեքը կկազմեր 34200 ՀՀ դրամ, «BOND» անվանումով /արծաթագույն/ «SUPER SLIMS 100 S» տեսակի ծխախոտի մաքսային արժեքը կկազմեր 37800 ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Հայաստանի Հանրապետության քաղաքացի Արթուր Սեյրանի Խաչատրյանը փոստով պատշաճ ծանուցվել է գործի քննության օրվա և ժամի մասին, սակայն չի ներկայացել գործի քննությունը, որն է բացատրություն կամ դիրքորոշում չի հայտնել:

Այսպիսով, նյութերով պարզվել է, որ 2022 թվականի մայիսի 16-ին քաղաքացի Արթուր Սեյրանի Խաչատրյանը, մաքսային հսկողությունից թաքցնելով, իր կողմից շահագործվող «KAMAZ» մակնիշի, 36QC815 պետհամարանիշի բեռնատարով, ՀՀ մաքսային սահմանով տեղափոխել է ընդհանուր՝ 120 000 ՀՀ դրամ մաքսային արժեքով ապրանքներ, այսինքն՝ քաղաքացի Արթուր Սեյրանի Խաչատրյանի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 160 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1Ձ Հայաստանի Հանրապետության քաղաքացի Արթուր Սեյրանի Խաչատրյանին (հասցե՝ Սյունիքի մարզ, ք.Սիսիան, Շահումյան փողոց, տուն 7, անձնագիր՝ AT0590745) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 120 000 /հարյուր քսան հազար/ ՀՀ դրամի չափով:

2Ձ Որոշման մասին հայտնել քաղաքացի Արթուր Սեյրանի Խաչատրյանին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 120 000 /հարյուր քսան հազար/ ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ